

詩  
家  
直  
說

詩家直說卷之四

臨濟謝棟茂秦雨著

白樂天畫竹歌云西叢七莖勁而健省回天竺寺前  
石上見東叢八莖踈且寒憶曾湘妃廟裏雨中看  
此作造語清潤讀者襟抱灑然能發萬里之興所  
謂淘沙揀金難得之句也釋景雲畫松詩云畫松  
一似真松樹且待思量記得無憶在大台山上見  
石橋南畔第三株此詩全襲樂天未見超絕皎然  
所論三偷雲公可當一二

世說新語徐孺子九歲時嘗月下戲或云若令月中

無物當極明邪子美詩斫却月中桂清光應更多  
意祖於此造句奇拔觀者不覺用事所謂讀書破  
萬卷下筆如有神杜老不欺人也

岑參寄左省杜拾遺詩云聯步趨丹陛分曹限紫微  
曉隨天仗入暮憑御香歸白髮悲花落青雲羨鳥  
飛聖朝無闕事自覺諫書稀杜甫荅岑補闕見贈  
云竊窺清禁闕罷朝歸不同君歸丞相後我住日  
華東冉冉柳枝碧娟娟花葉紅故人得佳句獨贈  
白頭翁今詩最絕杜作殊不愜意譬如善奕者偶  
爾輕敵輸此一看

空嘉州初至捷爲作云山色軒楹內灘聲枕席間草  
生公府靜花落訟庭閒雲雨連三峽風塵接百蠻  
到來能幾日不覺鬚毛斑此結突如起句謂之兩  
頭蛇予因以完造物首尾自具更煉中聯不失格  
律然論文貴嚴亦不免吹毛求疵之誚附云之官  
能幾日兩鬢易成斑雷雨低三峽風塵暗百蠻鳥  
啼公府靜花落訟庭閒獨夜饒詩思灘聲枕席間  
潘王西屏道人寄懷大司馬郭公二首憶昔論交即  
見知幾年良晤信難期停雲北極頻回首落木西  
風獨賦詩金鼎鹽梅殷相業玉階劍履漢官儀君

今選將清邊微盡省憂心退食遲征驂別後幾登  
樓極目山川憶舊遊  
鼎鼎霜華寒已冱冥冥雲物  
夕仍留九關甲士圖功日三輔丁男習戰秋聞道  
天驕還北遁萬年佳氣繞皇州  
二詩辭雅氣暢造  
詣不凡前聯典重不減少陵後聯假對千支極妙  
許用晦年長每勞推甲子夜寒初共守庚申實對  
千支殊欠渾厚無乃晚唐本色歟

許用晦釋清塞皆以甲子庚申爲的對予病其粗直  
且非正格因次用晦之韻聊寄興爾附贈王山人  
詩丹侶相期貰酒頻飛來野鶴老於人世輕俗物

非關傲庭有偃芝未是貧羣嶺峯霞延甲子孤燈  
照夜守庚申碧桃又發花千樹誰向深山共好春  
詩中罕用血字用則流於粗惡李長吉白虎行云  
龍衣點荆卿血顛道翁露青竹鞭歌云碧鮮似染  
其弘血二公妙於句法不假調和野蔬何以有味  
詩有至易之句或從極難中來雖非緊關處亦不可  
忽若使一句齟齬則損一篇元氣矣

梁簡文怨歌行云十五頗有餘日照杏梁初起句似  
相承者譬諸叢花缺處半出美人繡襦不見螭首  
蛾眉可能無恨况襲陌上桑而用之突然或易爲

窈窕誰家姝庶得平穩不失起語格式

凡作詩要情景俱工雖名家亦不易得聯必相配健  
弱不單力燥潤無兩色能用此法則不墮歧路矣  
少陵狀景極妙巨細入玄無不可拍題者當情失之  
踈漏若讀書難字過對酒消章類上句真率自然  
下句爲韻所拘爾昌黎寫情亦有此者在欲中相  
顧色別後獨歸情辭澹意濃讀後不慨然鉅出  
於寫景若路排四岬草風約半池萍下句清新有  
格上句聲調齟齬使無完篇則血脉不周病在  
臂故爾

甲子歲秋日予赴晉陽故人之招栗晉中留錢園亭  
以詩志別分韻得秋字援筆立就一氣渾成涕泣  
長江大河滔滔拍天而劃然中斷其意見於言衣  
清雅不減劉文房氣格過之附詩六首蓋晉方諸晤  
引轡復西遊草白晉陽路霜清汾水秋詩名無去  
住客計有淹留心在浮雲外飄然不繫舟

詩賦各有體製兩漢賦多使難字堆垛聯綿意思重  
疊不害於大義也詩自蘇李五言魏十九首格古  
調高句平意遠不尚難字而自然過人矣詩用難  
韻起自六朝若庾開府長安手中治沈東陽願言



反魚循從此流於艱澁唐陸龜蒙織作中流百尺  
漢華莊沂水悠悠去似緋燕緋二字近體尤不宜  
用譬若王羲之階諸賢於蘭亭脩禊適而塵使者  
至遂延之席末流觴賦詩文雅雖同加此眼生者  
便非諸賢氣象韓昌黎柳子厚長篇聯句字難韻  
險然諺多闕座或不可解拘於險韻無乃庾沈啓  
之邪

陳思王白馬篇俯身散馬蹄此能盡馳馬之狀闕鷄  
詩皆落輕毛散善形容闕鷄之勢俯落二字有力  
二散字相應然造語太工六朝之漸也

遠峯結冰堅，溼沼凝雪老。青松雙樹下，開講千燈  
中。現容天空雨，花徧門有白。雲封此作妙，於禪語  
使王摩詰見之，亦當心服。若寧獻王、懼僊、周憲王  
誠齋，雖皆嗜詩，相去懸絕矣。

嘉靖壬子春予遊都下，比部李于鱗、王元美、徐子與、  
梁公實、考功宗子相諸君延入詩社。一日晉中命  
李畫士繪六子圖，列坐於竹林之間，顏貌風神皆  
得虎頭之妙。自戲爲贊曰：我足真汝汝，非真我。因  
拘於笥，韻弗能成章。迄今丙寅春旅歸，上黨偶用。

古韻乃成曰兩聲盤聚一身么麼體我是真汝汝  
非真我我體我吹汝舞汝啞人生多愆真不如假  
遁迹山中忘言月下嗟哉暮年何時願果或謂脂  
合禪機前身亦緇流中人也

或曰江韻不附於陽韻之後而附於東冬之後何哉  
曰江韻之字皆出於東冬二韻若金傍有上爲缸  
木傍有春爲椿餘類此凡作古詩三韻互用謝康  
樂田南園園詩曰樵隱俱在山由來事不同卜室  
倚北阜啓扉面南江漢魏諸賢如此尤多

凡山河廊廟之類顛倒通用若天地不可倒用倒則

爲泰卦曾子建桂之樹行曰下下乃窮極也天貴  
別有是耶又如詩酒兒女皆兩物也倒則爲一矣  
賈誼上疏曰高帝分天下王功臣也竝照燕賊賦  
曰出入三代之百餘載竟瓜剖而豆分此自我作  
古之法立沈氏謂五色火籠曰可憐潤霜質纖剖  
復毫分刻之亦知此耶

劉長卿送道標上人歸南嶽詩曰悠然倚孤帷却憶  
卧中林江草將歸遠湘山獨住深白雲留不住綠  
水去無心衡嶽千峯亂禪房何處尋此作雅澹有  
味但虛字太多體格稍弱安慶王西池送月泉上

人歸南海得帆字曰閒身無所繫江海信孤帆石  
上留金偈人間秘玉函天開達磨井雲護普陀巖  
誰復爲禪侶相依松與杉此篇多使實字奇崛有  
骨善用險韻譬如棧道馳馬無異康衢唐人不多  
見也又贈別玉峯上人詩曰關山去迢遞飛錫有  
誰同行苦三乘裏心開萬法中定回雲滿榻偈後  
月低空相憶聽鐘磬冷然度曉風此作乃見超悟  
禪家之正宗也

元和初王生夢侍吳王命作西施挽詞曰西望吳王  
闕雲書鳳字牌連江起珠帳擇土葬金釵鋪地紅

心草三層碧玉階春風無處所悵恨不勝懷此韻  
狹而險唐人以來罕用之王生所作雖涉粗淺然  
夢中成章亦奇矣若陸龜蒙皮日休以佳韻屬和  
乃七言近體使作五言遠過王生矣予客晉陽亦  
用佳韻二首秋懷詩曰東望太行路崦巖幾斷崖  
易歸千里夢難遣九秋懷夜色霜明樹寒慙葉滿  
階著書思趙邸靜掩舊茅齋秋日自遣詩曰耳向  
清時隱無令素願乖存虛饒氣色撥累緩形骸葉  
響風前樹苔青雨後階何須學宋玉登眺苦秋懷  
嚴滄浪謂作詩譬諸劊子手段人直取心肝此說雖

不雅喻得極妙凡作詩須知道緊要下手處便了  
當得快也其法有三曰事曰情曰景若得緊要一  
句則全篇立成熟味唐詩其樞機自見矣

江淹貽袁常侍詩曰昔我別楚水秋月麗秋天令君  
客吳坂春日媚春泉子美哭蘇少監詩曰得罪台  
州去時危棄碩儒移官蓬閣後殺貴歿潛夫此皆  
隔句對亦謂之扇對格然祖於采薇詩昔我往矣  
楊柳依依今我來思雨雪霏霏予贈紀丞詩曰謝  
莊曾授簡月白見秋毫崔立能吟句松寒起夜濤  
偕附於名篇之末亦見予一體爾

岳永逝文曰子之承親孝齊閔參子之友悌和如  
瑟琴事君直道與朋信心雖實唱高猶實爾音羽  
冠厲翼羽儀初昇公弓既招皇興乃徵內贊兩宮  
外宰紱蒸忠節九著清風載興此岳文中用韻已  
嚴豈獨沈約定之也

阮卓遊魚詩曰相忘自有樂莊惠豈能知此出南華  
經惠子曰爾非魚安知魚之樂耶曰爾非我安知  
我不知魚之樂耶阮生翻案尤妙古詩曰胡馬依  
北風越鳥巢南枝此感寓自然范雲贈沈左衛詩  
曰越鳥憎北樹胡馬畏南風此雖翻案殊覺費力



曹脩撰武帝懷李夫人詩曰白玉帳寒鸞夢絕紫  
陽宮遠鴈書稀全篇穠麗其風致可想然用鴈書  
誤矣予考漢史及武帝內傳方士少翁能致鬼帝  
命招李夫人之魂見而哀之因爲歌曰是邪非邪  
元狩四年方士文成將軍少翁休誅天漢元年遣  
蘇武使匈奴昭帝始元五年蘇武還自匈奴鴈書  
事當在子卿將歸之時曹羽流也隨興賦成不及  
詳考爾

鮑明遠白頭吟曰申黜褒女進班去趙姬升周王日  
淪惑漢帝益嗟稱沈休文怨歌行曰坎壈元叔賦

頃挫敬通文選論班姬寵風窈賈生墳二詩多用  
姓名自不害爲古作今人忌之是矣

鎮康王西巖四月八日過昭覺禪院同諸宗丈賦得  
松字詩曰石龕幡影閃金容此日曾聞浴九龍心  
印始歸香象迹法輪更斷野狐宗風傳鐘磬流空  
谷天落雲霞拂古松傑閣還登一西望萬年佳氣  
駿諸峯此題最難其格律精工氣象渾厚深得禪  
家宗旨若與遠公同時亦當推蓮社之長矣

作詩有三等語堂上語堂下語堦下語知此二者可  
以言詩矣凡上官臨下官動有昂然氣象開口自

別若李太白黃鶴樓中吹玉笛江城五月落梅花  
此堂上語也凡下官見上官所言殊有條理不免  
局促之狀若劉禹錫舊時王謝堂前燕飛入尋常  
百姓家此堂下語也凡訟者說得顛末詳盡猶恐  
不能勝人若王介甫茅簷長掃淨無苔花木成蹊  
手自栽此皆下語也有學晚唐者再變可躋上乘  
學宋者則墮下乘而變之難矣

沈氏綵毫怨曰葉下洞庭初思君萬里餘露濃香被  
冷月落錦屏虛欲奏江南曲含封薊北書書中無  
別意惟恨又離居楊陞菴所選五言律祖大卷獨

此一篇平妥勻淨頗異六朝氣格

岑嘉州送王司馬詩海樹百官含蒼翠雲鄉樓何仲

言下少山詩繁霜白曉崖苦霧黑巖洞幽惠連揚

衣詩宵月皓空閨李嘉祐送王牧詩細草綠汀洲

此皆以聲色字爲虛活用者語且所謂春秋丹桓

宮楹周頌亦白其馬史鑑秦始皇代其木赭其山

漢書二千石朱兩轡班固堅車鐵馬旗絳天揚

子雲解朝客徒朱丹吾轂將亦丹也華元歌

皤其腹韋昭天命詩烏赤其色陸機前南征賦朱

明俛而丹野炎暉仰而絳天南史齊武帝曰不還

我陳保中吾當白汝江文通羅丘竹賦施夏彩於沙汀柳子厚賀王叅元失火書於其廬赭其垣此法用者多矣非文之宗匠弗知也

詩韻罕用腥字胡曾洞庭湖絕句魚龍吹浪水雲腥  
造句儘佳潘憲王夜雨頸聯樹濕鴉聲重雲低龍  
氣腥格律尤勝杜子美索居三十韻字由一類腥  
此句非不能工蓋長律牽於韻爾

家太行曰詩貴解悟識有偏全斯作有而下古人成家者如得道故拈來皆合拘拘於迹者未矣又曰詩莫古於風雅皆可解漢樂府有不可讀者聲詞

雜寫之誣由譜錄爾又曰宋詩偏於濁而不濇  
元詩偏於清而不沉鬱國朝宣德以前是元弘治  
以前是宋正德嘉靖間寂寂有言義又曰李獻吉  
何仲默古體可追古人近體尚開一塵

古三墳書長上聲殺順性傳曰聖人以虛物壽予贈貧  
士詩暗合此義故表捫孤詣生殺自天機

賦詩要有英雄氣象人不敢道我則道之人不肯爲  
我則爲之厲鬼不能奪其正利劍不能折其剛古  
人製作各有奇處觀者自當甄別

德平王南岑贈別素愚上人釋子來何處廬山復太

行翻經淹歲月補衲犯冰霜浩劫塵緣盡彌天覺  
路長智珠元不染好去照迷方此作甚佳其來有  
源憲上南山素嗜談禪詩亦妙悟信乎伯仲齊名  
豈非寒山拾得化身邪

作詩先以一聯為主更思一聯配之俾其相稱縱不  
佳姑存以爲筌句筌者意在得魚也然佳句多從  
庸句中來唯取魚棄筌之法辭意兩美久則渾成  
造名家下難矣釋皎然賦得帝頂送客五萬里巴  
江外三聲月峽深何年有此路幾客共沾襟斷壁  
分重影流泉入苦吟淒涼離別後聞此更傷心觀

其前聯平澹意長餘皆筌句予因前疵強半稍一  
氣格尤翁復起可能心服否乎迺附於後聽爾已  
江父愁人巫峽深何年有此路幾客共沾襟倒影  
迴清澗哀聲出遠林東西無定處偏感宦遊心此  
所謂假古人之作爲已稿是也

劉孝綽妹詩落花掃更合叢蘭摘復生孟浩然林花  
掃更落徑草踏還生此聯豈出自劉歟二作清麗  
各有優劣

呂居仁春日即事雪消池館初春後人倚闌干欲暮  
時或云清景入畫人之情意物之容態二句盡之



予觀此作宛然一美人圖也

韓翃秋夜即事星河秋一鴈砧杵夜千家安慶王西  
池重九前一夜樹聲喧一枕秋色冷千家此聯與  
韓出一機杼織組自別

凡詩用恩字不粗則俗難於造句陳思王恩紀曠不  
接梁武帝龍鳥易爲恩謝玄暉恩變龍庭長張正  
見諛新恩易盡蘇廷碩文甲爲恩輕杜子美漏網  
辱殊恩竇叔向恩深犬馬知高蟾君恩秋後葉日  
日向人疎李義山但使紅顏莫保恩此皆句法新  
奇變俗爲雅名家自能吻合作文亦然若陸士衡

廣樹恩不足以敵怨是也予悼徽藩詩撫膺臣妾  
淚葬骨死生恩哭沈叅軍鍊詩今日孔融留二子  
應知生死感餘恩此二作易於措詞由其悲感故  
爾

栗道甫自弱冠工詩與兄仁甫齊名遊五龍山詩云  
巖壑古留跡藤蘿春可捫遊人歷世代零露越朝  
昏鶴夢通雲島猿啼下石門浮沉只自異感念復  
何言一覽樓夜眺詩云微月照空林悠然悽我心  
人聲四壁靜夜色一川陰野寺看燈遠山堂入霧  
深村邊歌吹發聽罷更蕭森太行山中詩云山中

風候別况復是秋天雨脚當門變溪聲隔嶼傳峽  
深飢虎嘯潭古毒龍眠中霧惟耽隱蕭條世外玄  
觀此諸作含英咀華風調燮別其盛唐之流歟  
比喻多而失於難解嗟怨頻而流於不平過稱譽豈  
其中心事模擬非其本色愁苦甚則有感動喜多  
則無味熟字千用自弗覺難字幾出人易見邈然  
想頭上乎作手詩造極處悟而且精李杜不可及  
也

老子曰五音令人耳聾張景陽七命百籟羣鳴聾其  
山此聾字太奇雖有所祖而費講

黎城懶雲上人悟禪蘊亦能詩都門除夕云早眠  
輕節序垂老倦精神半夜兩年夢孤燈千里身鉢  
分新歲飯衣拂舊時塵後飲屠蘇者其如感嘆頻  
題山水便面筠筇小步踏蒼苔遙指青山雲正開  
澗水松風聽不絕又教童子抱琴來一作體格勻  
淨頗振唐聲使與皎然輩同賦孰爲擅場差其身  
歿神存寧不以我爲知己邪

人物志一國之政以無味和五味註曰水以無味故  
五味得其和猶君體平澹則百官施其用隆廢敗  
元堽京都有感云鹽梅無水不成味宰輔得君方

盡才因翻用說命和羹事又被古人道破此即無  
米粥之法學者心會可也

詩中用虛活字時有難易易若割蚌得珠難如破石  
求玉且工且易愈苦愈難此通塞不同故也縱爾  
冥搜徒勞心思當主乎可否之間信口道出必有  
奇字偶然渾成而無齟齬之患嘗人急買帽子入  
市出其若干一一試之必有箇恰好者能用戴帽  
之法則詩眼靡不工矣

凡作詩以青字爲韻鮮有佳者杜子美不離西閣云  
江雲飄素練石壁斷空青下句奇特有骨錢仲文

省試湘靈鼓瑟云曲終人不見江上數峰青摘出  
末句平平語爾合兩句味之殊有含蓄諸葛騰甫  
渝城人日東李給事前聯辭意並佳天造奇景宛  
如披四川圖使人興不可遏但神馳於夢寐耳其  
詩附後訪舊來何晚輕帆落驛亭江迴劍外白山  
擁漢中青萬里逢人日孤城感客星知君懷諫草

翹首望明廷

騰甫名鯨別號問華諸  
葛武侯四十二代孫

鎮康王西巖題宋叅政瞻遠樓江流懸樹杪山色到  
窻中精拔有骨上句尤奇王右丞登辨覺寺窻中  
三楚盡林上九江平曠闊有氣但上字聲律妥又

西巖陪國主謁坐途中有感伏觀浮煙破旗衝過  
鳥翻句法森嚴何異沈宋應制崔湜題唐都尉山  
池鴈翻蒲葉起魚撥荇花遊聯雖全美但晚唐纖  
巧之漸若與陪駕之作並論譬諸艷姬從命婦升  
階氣象自別韓渥晚春旅舍樹頭蜂抱花鬚落池  
面魚吹柳絮行祖於湜而敷演七言斯又下矣

子美詩仰蜂粘落絮行蟻上枯梨芹泥隨燕背花蘂  
上蜂鬚翡翠鳴衣桁蜻蜒立鉤絲魚吹細浪搖歌  
扇燕蹴飛花落舞筵諸聯綺麗頗宗陳隋然句工  
氣渾不失爲大家譬如上官公服而有黼黻絺繡

其文采照人乃朝端之偉觀也晚唐此類尤多又如五色羅縠織花盈匹裁爲少姬之襦宜矣宋人亦有巧句宛如村婦盛塗脂粉學徐步以自媚不允爲傍觀者一笑耳

嘉靖乙巳歲因訪西林禪侶談及龐居士涅槃代作偈子云來時忽墮去時不躲我歸太空太空即我南華經曰適來夫子時也適去夫子順也安時以處順哀樂不能入也李東岡謂十有悟禪旨故與莊子默契焉

十美秋野詩水深魚極樂林茂鳥知歸此適會物情



殊有大趣然本於子建離思賦水重深而魚悅林  
脩茂而鳥喜一家辭同工異則杜老之苦心可見  
矣

陸士衡爲周夫人寄車騎云昔者得君昔聞君在洛  
乎今者得君昔聞君在京城及觀劉永春離噴曲  
云那年離別日只道往桐廬桐廬人不見今得廬  
州昔此二絕同意作者粗直述者深婉然將種臨  
敵而不勝矣兵所謂小戰則怯是也

宗約敬軒次舉太行莊顏頤曰城隅葺小軒車馬不  
聞喧立整元規興蓬蒿仲蔚園君詩清可挹吾道

拙能存何似歲星隱常依金馬門此作工不押韻  
而冲澹自然其劉長卿之亞歟廼第誠軒次肯詩  
曰昨夜清霜重晴簷炙背初寧言工我賦兼得課  
兒書鐘鼎形骸外溪山夢寐餘角巾庭際影坐惜  
髭毛疎儼然爲一負喧障丁老成之語曠達之氣  
此造少陵之漸也又詠任山子曰累任壯情今憑  
虛無古今悠然倚杖興重以愛山心也轉就池穴  
天移玉座翠主人得幽趣何處更登臨後聯翻用  
杜句愈覺出詩外別雜詩萬古伏池穴潛通小府  
天起句平直但寫其神興爾

二ノ  
子歌滄浪之水清兮可以濯我纓孟子屈原兩用  
此語各有所寓李陵與蘇武詩臨河濯長纓念予  
悵悠悠此偶然爲意爾沈約渡新安江貽游好詩  
願以潺湲水沾君纓上塵所謂襲故而彌新意更  
婉切柳宗元衡陽別劉禹錫詩今朝不用臨河別  
垂淚千行便濯纓至怨至悲太不雅矣

庾信詠荷詩若有千年蔡須臾但見隨梁簡文納涼  
詩遊魚吹水沫神蔡上荷心蔡雖大龜然字面入  
詩殊欠明爽包佶秋日園林詩鳥窺新罅栗龜上  
半欹蓮晚唐雖下六朝由其不用蔡字乃佳

孔文谷曰陳子昂之古風尚矣其含光飛文懷幽吐  
奇廊廟而有江山之致煙霞而兼黼黻之裁有色  
成文吹氣從律則燕公曲江高矣美矣擅其宗矣  
杜子美稱李太白詩清新俊逸然却太快太白謂  
子美詩苦然却沉鬱緣其性褊躁婁直而多憂愁  
憤厲之氣其用字之法則老將之用兵也王摩詰  
孟浩然韋應物典雅冲穆入妙通玄觀實主於東  
序聽廣樂於鈞天三家其選也過此以往不能遍  
觀而盡識矣又曰長篇是賦之變體而去一步字  
近體則研鍊精切隱括諧儷如文錦之有尺幅絕

句皆樂府也長篇當以李嶠汾陰行爲第一近體  
當以張說侍宴隆慶池應制爲第一杜甫秋興則  
開道長安似奕碁一篇尤勝絕句如王摩詰廣武  
城邊逢暮春汶陽歸客淚沾巾落花寂寂啼山鳥  
楊柳青青渡水人與渭城朝雨一篇韋應物雨中  
禁火空齋冷江上流鶻獨坐聽把酒看花想諸弟  
杜陵寒食草青青皆風人之絕響也

上夜觀李長吉孟東野詩集皆能造語奇古正偏相  
半豁然有得併奪搜奇想頭去其二偏險怪如夜  
聲風生咽巖月墮時時山精鬼火出焉苦澁如枯

林朔吹陰崖凍雪見者靡不慘然予以奇古爲骨  
平和爲體兼以初唐盛唐諸家合而爲一高其格  
調充其氣魄則不失正宗矣若蜜蜂歷采百花自  
成一種佳味與芳馨殊不相同使人莫知所蘊作  
詩有學釀蜜法者要在想頭別爾是夜枕上勉成  
數詩以示同好使知予言不謬也暮秋寄懷徐子  
與時宦長蘆云理郡雙旌轉皇畿亦壯遊海陸天  
下味繁牘汝南愛風笛淒寒署霜林照夜樓還思  
濯纓處御水正涵秋二官舍披書坐蕭然且獨醒  
沙煙秋漠漠海雨晝冥冥如入金增色才孤劍

靈夢歸何所見天目亂峰青三未滿耽詩意南來

幾日閒一愁縈馬上萬役走人間署散憐風物城

高見海山不知謫宦久先守汝寧被謫猶是舊容顏四鐵

網拔珊瑚驚人不可無才今蕪二陸格古變三吳

登眺秋光迫浮沉老氣孤因思采菱曲客至話西

湖五數卷從幽事官閒祗自憐阮公悲感日遽伯

是非年海賦知華國鄉書問稅田更憂吳餉晚長

望浙西船大宦轍有難易憂中名獨完山高偏氣

色河廣自波瀾文字豹斑老冰霜孤白寒鳳芳不

言餒天許碧琅玕七候蟲吟暗壁秋興起徐陵宦

味澹於水韞懷清奪水夜喧風裏樹寒霧雨中燈  
競謁金張第踈慵獨木曾八何處轉遊宦河亭坐  
夕暉亂帆鱗次泊衆鳥尾銜歸地勝閒堪賦杯清  
悶可揮風煙是京甸寧復羨魚磯九官郎長蘆靜  
中懷自出塵鑑光一秋水瑟調幾陽春終古盈虛  
月流年感慨人竹林餘裂素可復寫誰真十詞人  
非傲物名著自堪嗟官冷基應進懷高酒更賒鶴  
爲閒處伴菊是澹中花同賦上林者秋風天一涯  
十二  
正變關騷雅深宵誰與論吳歌惟片月燕俗且  
孤樽舊侶青雲冷秋懷黃葉繁寄書故鄉使風雨



亦過門上舊社名相累艱虞偏在若世憎騷雅盛

天任死生分並失龍珠影長垂鳳藻文社友梁公實宗子相

相繼而歿相知論往事南北共愁雲

有客問曰夫作詩者立意易措辭難然辭意相屬而

不離若專乎意或涉議論而失於宋體工乎辭或

傷氣格而流於晚唐竊嘗病之蓋以救我四溟子

曰今人作詩忽立許大意思東之以句則窘辭不

能達意不能悉譬如鑿池貯青天則所得不多舉

杯收其露則被澤下廣此乃內出者有限所謂辭

前意也或造句弗就勿令疲其神思且閱書醒心

忽然有得意隨筆生而興不可遏入乎神化殊非  
思慮所及或因字得句句由韻成出乎天然句意  
雙美若接竹引泉而潄淩之聲在耳餘城望海而  
浩蕩之色盈目此乃外來者無窮所謂辭後意也  
客曰適聞內外二說能發古人未發者願以盛唐  
諸家直指內外秘蘊令人頓悟以歸正宗不落傍  
門小徑也四溟子曰予雖歷舉唐詩引証畢苑難  
曉况爾心非我心焉知我心之有得也以我之心  
置於爾心俾其得我之得雖兩而一矣請出一字  
爲韻以試心思乃得天字遂成若干句云兵氣截

胡天鵲號月黑天長除夢裏天斜陽不忝天靈聚  
河中天荷影亂湖天星搖海底天千江各貯天道  
在混茫天帆影落江天雲蘿隱洞天神龍穴海人  
鵬描朔漠天明河半在天心空定裏天氣慘戰場  
天波明日本天江清魚在天山鐘落半天湖清鏡  
裏天鶴夢不離天江波不定天百越瘴浮天帆盡  
五湖天人老醉鄉天丹氣夜薰天微茫盡裏天豈  
嶽上門天龍樹插秦天也侵日南天此乃句由韻  
成也大馬行無迹天覆空青色天冷饒邊氣天陰  
鬼火亂天寒鷹力健天發峨嵋雪天勢海相吞天

開牧駿馬天  
霸曠達才天許  
百年狂井天開地鏡  
仰天心貯月倚天雲  
護劍水天通夜風  
楚天三峽斷海天無際  
色語天空色界通天  
鳥道寒江天月兩分  
霜天紅樹老井平天  
影出虎闢天風合隱  
見天河影映開天一  
線漠北天常雪籠烏  
天相隔日高天更青  
霞明天姥峰禪林天  
雨花長河截天影風  
響參天樹混沌是天  
胚萬物各天機一法  
通天竺龍闢海天翻  
雨暗江天色鴈得楚  
天春蹄涔縮天影王  
氣浮天闕此乃因字  
得句也夫人妙悟有  
因自能作古然文字  
起於鳥迹草書精於  
舞劍爾

獨不能因人之悟以開己之悟邪客謝而去顧予  
笑曰子何太泄天機也

作詩得之多寡遲速統繫於心因分內外二說俾人  
易曉此作近體之法然古體亦有異同處學者權  
宜用之

或曰子謂作古體近體槩同一法寧不有誤後學邪  
四溟子曰古體起語比少而賦興多真乎平直不  
可立意澀蓄若一句道盡餘復何言或兀坐冥搜  
求聲於寂寥寫真於無象忽生一意則句法萌於  
心含毫轉思而色愈慘澹猶恐入於律調則太費

點檢斲削而後古或中有主意則辭意相稱而發  
言得體與夫工於鍊句者何異漢魏詩純正然未  
有六朝唐宋諸體繁心故爾若論體製則大異而  
小同及論作手則大同而小異也未必篇篇從頭  
敘去如寫家書然畢竟有何警拔或以一句發端  
則隨筆意生順流直下渾成無迹此出於偶然不  
多得也凡作近體但命意措詞一苦心則成章可  
逼盛唐矣作古體不可兼律非兩倍其工則氣格  
不純今之作者譬諸宮女雖善學古粧亦不免微  
有時態

詩乃模寫情景之具情融乎內而深且長景耀乎外而遠且大當知神龍變化之妙小則入乎微罅大則騰乎太宇此惟李杜二老知之古人論詩舉其大要未嘗喋喋以泄直機但恐人小其道爾詩固有定體人各有悟性夫有一字之悟一篇之悟或由小以擴乎大因著以入乎微雖小大不同至於渾化則一也或學力未全而驟欲大之若登高臺而摘星則廓然無着手處若能用小而大之之法當知行深洞中捫壁盡處豁然見天則心有所主而愈思唐律隨追建安古調殊不難矣予著詩說

猶如孫武子作兵法雖不自用神奇以平列國能使習之者戡亂策勲不無補於世也

詩貴乎遠而近然思不可偏偏則不能無弊陸士衡文賦曰其始也收視反聽耽思傍訊精驚八極心游萬仞此但寫冥搜之狀爾唐劉昭禹詩云句向夜深得心從天外歸此作祖於士衡尤知遠近相應之法九靜室索詩心神渺然西遊天竺國仍歸上黨昭覺寺此所謂遠而近之法也若經天竺又向扶桑此遠而又遠終何歸宿或造語艱深奇澁殊不可解抑樊宗師之類歟



若妙識所難其易也將至忽之爲易其難也方來此  
劉勰明詩至要非老於作者不能發凡構思當於  
難處用工艱澁一通新奇迭出此所以難而易也  
若求之容易中雖十脫稿而無一警策此所以易  
而難也獨謫倦思無難易而語自超絕此朱考亭  
所謂聖於詩者是也

上黨李之茂工舉子業亦能詩元日過柏坡僧舍因  
憶予有作云索居無歲事騎馬入禪林勝地堪逃  
俗名香可淨心偶思靈運句暫與惠休吟庭樹來  
山鳥當春多好音雪中再過僧舍小憩云俗累便

幽寂禪房喜再臨午齋經罷熟積雪夢回深四野  
偏同色纖塵不染心衝寒有餘興猶勝訪山陰此  
二作宛有劉隋州風致而細潤過之

遜軒子曰凡作詩貴識鋒犯而最忌偏執偏執不惟  
有焦勞之患且失詩人優柔之旨如賈島獨行潭  
底影其詞意閑雅必偶然得之而難以句匹當入  
五言古體或入仄韻絕句方見作手而島積思三  
年句於聲律卒以數息樹邊身爲對不知反爲前  
句之累其所爲一句三年得吟成雙淚流雖曰自  
惜實自許也不識鋒犯偏執不回至於如此唐人

中識鋒犯者莫如子美其落日在簾鉤之作亦難以句匹者也故置之首句俊麗可愛使束於聯中未必若首句之妙學者觀其全篇起結雄健頸顚微弱可見矣因擬閨僊勉成一絕附之末簡雜樹已秋風空山又斜景杖策不逢人獨行潭底影順軒子郊居一絕云田園自幽寂誰訪野人居碧草斜通逕白雲低覆廬此作閒雅可愛

凡鍊句如在渾然一字不工乃造物之不完愚論已詳首卷許渾原上居詩獨愁秦樹老孤夢楚山遙此上一字欠工因易爲羈愁秦樹老歸夢楚山遙

釋無可送裴明府詩山春南去櫂楚夜北歸鴻此  
亦上一字欠工因易爲江春南去櫂關夜北歸鴻  
劉長卿別張南史詩流水朝還暮行人東復西此  
上二字欠工因易爲旅思朝還暮生涯東復西周  
朴塞上行詩巷有千家月人無萬里心此中二字  
欠工因易爲巷冷幾家月人孤千里心諸作完其  
造物以俟後之賞鑒者

九佳韻窄而險雖五言造句亦難况七言近體押韻  
穩措詞工而兩不易得自唐以來罕有賦者皮日  
休陸龜蒙館娃宮之作雖弔古得體而無渾然氣

格窘於難韻故爾容軒子送鄒逸人歸洞庭山得  
淮字亦用此韻其平妥勻淨因難以見工致能追  
古人於太華萬仞之巔翩翩然了無難色使遇寬  
韻而愈加思索則他日造詣未見其止也其詩云  
離筵太促愧茅柴羨爾吳歌壯旅懷幾賦縱橫干  
氣象半生飄泊老形骸草青驅馬春辭晉月白揚  
帆夜度淮三徑已荒逢舊侶一樽風雨共山齋附  
日休詩云艷骨已成蘭麝土宮墻依舊壓層崖駉  
臺雨壞逢金鏃香徑泥消露玉釵硯沼祇留溪鳥  
浴雉廊空信野花埋姑蘇麋鹿真閒事須爲當時

一愴懷附龜蒙次韻鏤楮悄落濯春雨蒼翠無言  
空斷楚重碧未能忘帝女燕輕猶自識宮釵江山  
只有愁容在劍珮應和媿氣埋賴有伍員驕思少  
吳王纔免似荆懷

夫情景相觸而成詩此作家之常也或有不拘形  
勝面西言東但假山川以發豪興爾譬若倚太行  
而詠峨嵋見衡漳而賦滄海即近以徹遠猶夫兵  
法之出奇也予客晉陽對西山詩云好山俱在目  
樓上坐移時碧樹亦佳侶白雲非遠期心閒聊對  
景興轉別成詩操筆有常變兵家韓信知馮少洲

評曰老子每每自負

九五七言造句以情會景可長者工而健可短者簡而妙若良匠選材長短各適其用爾

言近體起自初唐應制句法嚴整或實字疊用虛字單使自無敷演之病如沈雲卿興慶池侍宴漢家城闕疑天上秦地山川似鏡中杜必簡守歲侍宴彈絃奏節梅風入對局探鉤柏酒傳宋延清奉和幸太平公主南莊文移北斗成天象酒近南山作詩杯酌此三聯底蘊自見暨少陵懷古一去紫臺連朔漠獨留青塚向黃昏此上一二字雖虛而措

薛稷帖九日藍田崔氏莊藍水遠從千澗落玉山  
高並兩峰寒此中二字亦虛工而有力中唐詩虛  
字愈多則異乎少陵氣象劉文房七言律品彙所  
取三十一首中有虛字者半之如暮春不須口  
處春風只到穆陵西之類錢仲文七言詩彙所  
取十九首上四字虛者亦強半如不知何處霖初  
寒但覺堯天日轉明鴛衾久別難爲夢鳳管遙聞  
更起愁之類凡多用虛字便是講講則宋調之根  
豈獨始於元自高棟所選以正宗大家爲主兼之  
羽翼接武亦不免三二濫觴者



寧夜過怨菴主人諸子列坐因評錢劉七言近體兩  
聯多用虛字聲口雖好而格調漸下此文隨世變  
故爾敏軒子曰予觀錢仲文送李評事赴潭州一  
首瘦而不健虛病使然子但言脉理入微蓋與之  
良藥以復元氣使予輩得窺樞機以躋少陵階也  
予遂約爲五言云自適宦遊情湖南有杜蘅簡書  
催物役心賞緩王程山寺披雲入江帆帶月行應  
懷幕下策談笑靜蒼生遜軒子曰子嘗言鍊句之  
法有二忌如治人當造五寸之釘而強之七寸雖  
長而細不利於用也如圻者築七尺之牆五尺以

磚二尺以坯然遭久雨磚則無恙而坯自頽矣  
二忌錢劉亦有之再一隲括以示三昧予亦效邨  
鄆之步則不失故態爾遂以錢詩不知鳳沼霖初  
霽但覺堯天日轉明去上二字可爲五言又以鴛  
衾久別難爲夢鳳管遙聞更起愁約爲鴛枕虛驚  
夢鸞簫遠遞愁又以劉詩暮雨不知湏口處春風  
只到穆陵西亦約爲雨昏湏口處春到穆陵西遜  
軒子曰予得之矣因以羅隱詩別岼客帆和鴈落  
晚程霜葉向人飛亦約爲暮帆和鴈落霜葉向人  
飛然句何工而健矣附送李評事詩云湖

南遠去有餘情蘋葉初齊白芷生謾說簡書催物  
役遙知心賞緩王程興過山寺先雲到笑引江帆  
帶月行幕下由來貴無事佇聞談笑靜黎甞

凡造句已就而復改削求工及示諸朋好各有去取  
或兼愛不能自定可兩棄之再加沉思必有警句  
譬汨者入海捨蚌珠而獲驪珠自不失重輕也予  
元日有感詩後聯神會徐陳侶心從屈宋師復改  
神會應徐在心通屈宋知因衆論不同難爲優劣  
遂別造一聯所謂割愛之法也附詩云七十尚耽  
詩閒來命酒卮隔宵增一歲耐老慰羣兒糟粕求

新味雲霄入苦思嗟哉世無補花鳥日相期

鎮康王西巖寄懷劉紫山侍御回自滇南詩云枕榔  
幾度感花開鄉國傳書不易來曾醉離亭牽我夢  
因思佐郡識君才滇南風壤三年盡天畔星槎萬  
里迴遙望舊知秋欲杪月明何處是行臺寄贈楊  
二山中丞以關內巡撫移任山右詩云紫宸一旦  
聖恩催早發秦城祭戟開三華曾留標勝賦三關  
更見折衝才荒沙落日閒戎壘古木飛霜遍憑臺  
壯士應看射鵬處不教胡騎幕南來此二作最得  
盛唐格律嚴而不刻順而不直較之獻吉則平妥

較之仲然則老健其膾炙人口也宜哉

作詩亦有權宜或先句法而後體製譬匠氏選材雖有巨細長短而各致其用可堂則堂不可則亭矣于潰塞下曲先得烏鳶已相賀之句出自淮南子大廈成而燕雀相賀此賀字尤有味如賦一絕則不孤此句流於敷演格斯下矣詩云紫塞曉屯兵黃沙披甲卧戰鼓聲未齊烏鳶已相賀燕然山上雲半是離鄉魂衛霍待留貴豈能無乾坤予擬一絕云漢將討樓蘭旗蕩朔雲破戰鼓半天聲烏鳶已相賀

裨謚草創世叔討論子羽修飾子產潤色鄭國凡作  
辭命必經四賢之手故見重於列國予因之以爲  
詩法每有疑字示諸社友定正工而後已能受萬  
益而不受一損其立心何如也或者過於服善不  
思可否欲求完美反致氣格不純昔陳王稱丁敬  
禮服善恐異地則不然惟賤士人得而指擿其虛  
心請教惟言是從或有一二不合調者當自詳審  
而無偏聽之弊求其純亦不難矣或曰夫少陵之  
作氣格渾雄雖有微疵不傷大體譬之滄海無所  
不容適聞斯論何其不廣也四溟子曰予詩如幽

澗寒泉湛然一鑑自不少容查滓務勻淨則易純  
使百代之下知予苦心若是安敢望於少陵也

凡作詩要知變俗爲雅易淺爲深則不失正宗矣因  
觀于潰沙塲詩士平浣征衣交河水流血施肩吾  
及第後過江詩江神亦世情爲我風色好二作如  
此胡不云戰士浣征衣忽變交河色尚憶布衣歸  
江神亦風浪裏得穩帖

詩中火言寒者罕見庾子山詩絡緯無機織流螢帶  
火寒下句甚奇惜其對不稱爾予得一聯人煙隔  
水靜鬼火照沙寒狀其沙塞荒涼宛然銷魂矣付

憶鴈門詩云昔年鴈門路霜氣逼征鞍野望天何  
慘山行老更難人煙隔水靜鬼火照沙寒戰伐空  
悲感風淒戕削殘

孫太初收菊花貯枕詩八呼童收落英晨起晞清露  
滿囊賸貯秋寒香散庭戶夜來夢東籬枕上得佳  
句好箇題目唐人未之有也前五句清雅惜末句  
殊無深意若更爲陶潛宛相遇則清而純矣

正月晦日集晉川園亭因韓退之段成式曾於是日  
皆作送窮文予賦留窮詩以述其志云送窮何所  
往託寓豈無由易使世情薄難期天意周路艱妨



驥足歲旱涸龍湫辛苦幽人味侵淩逆旅誰聖賢  
不異轍愚昧更深謀志定無他夢身安寧復憂殘  
燈抱膝夜落葉閉門秋老矣惟孤杖蕭然一敝裘  
病餘清似鶴懶極拙於鳩著述因誰力飢寒爲爾  
愁相依各隱見百事共沉浮窮且有離合心何偏  
去留踟躕無晦朔寂寞且林丘莫灑步兵淚花時  
足勝遊予因古人送窮二作即於切要處思得一  
聯窮自有離合心何偏去留借此爲發興之端遂  
以尤韻擇其當用者若干則意隨字生便得如許  
好聯及錯綜成篇上而能渾氣如貫珠此作長律

之法久而自熟無不立成心中本無些子意思率  
皆出於偶然此不專於立意明矣其中一聯才屈  
驕爲蠹名歸苦是困初以爲奇不免咬羣之病一  
割愛務求平順復造一聯辛苦幽人味侵淺逆旅  
讐吟誦間忽岔出想頭因味字得一絕云道味在  
無味咀之偏到心猶言水有迹瞑坐萬松深正所  
謂思無定位甫臨滄海復造瑤池其神遊兩間無  
適不可此亦變通之法古人秘而不泄無乃自重  
其道歟

揚子雲遂貧賦曰人皆文繡予獨不完人皆稻粱我

獨藜食貧無寶翫予何爲歡此作辭雖古老意則  
鄙俗其心急於富貴所以終仕新莽見笑於窮鬼  
多矣韓昌黎作送窮文其文勢變化辭氣平婉雖  
言送而復留段成式所作效韓之題反揚之意雖  
流於奇澁而不失典雅較之揚子筆力不同揚乃  
尺有所短段乃寸有所長惟韓子無得而議焉

自然妙者爲上精工者次之此着力不着力之分學  
之者不必專一而逼真也專於陶者失之淺易專  
於謝者失之餽飣孰能處於陶謝之間易其貌換  
其骨而神存千古子美云安得思如陶謝乎此老

猶以爲難究其他者乎

作詩有相因之法出於偶然因所見而得句轉其趣  
而爲文先作而後命題乃筆下之權衡也一夕讀  
道德經大巧若拙巧拙二字觸其心思遂成自拙  
嘆云出門何所營蕭條掩柴荆中除不濕掃積雨  
莓苔生感時倚孤杖屋角鳩正鳴千拙養無根一  
巧喪心萌舉由亦偶爾焉知身後名不盡太古色  
天末青山橫幾書野語云太古之氣渾而厚中古  
之風純而朴夫因朴生文因拙生巧相因相生以  
至今日其大也無垠其源也巨淵孰能返朴獲拙

以全其真而老於一丘也邪

余讀柳子厚淹後夫張進微詩至但願我心安不爲  
爾有知誠仁人之言也天子厚一代文宗故其摘  
詞撤簾能占地步如此鎮康王西巖每於春間命  
投人於郊外舉白骨之暴露者拾而瘞之能不自  
以爲功人見之以爲常殊不知周文澤及枯骨遺  
俗尚存比之子厚自文其事者遠矣余傳是舉因  
賦詩頌之今附於左云清明野柳搖晴煙家家  
頭燒紙錢墮增黃土掩宿莽還生芳草相新鮮復  
見白骨交加暴風日但逢陰雨多凄然欲問無言

隔冥漠不覩面貌焉知年死也何畢生也何愆肉  
飽幾烏鳶餘腥螻蟻纏有靈無定處徒爾爲飈旋  
鎮康王者感念切命人俯拾陌與阡萬骨同埋隣  
黑水更酹椒漿達九泉地下銜恩皆欲報百代願  
爲耕福田每葬枯骨擬周俗未枯之骨尤可憐僂  
仰自知心有天山人賦此陰隲篇

予賦唐生診脉歌中四句云命若懸絲生死間繫之  
造物寧愁顏古今來往一朝暮聖賢不見惟青山  
予因生死二字偶成數語世不生我莫知有天地  
焉人雖知有天地非我知也夫有知歸無知天地

有無之間爾生死天地之機天地生死之舍孰能  
逃其舍而奪其機乎此劉勰所謂思無定位是也